




Gaga—— riengzdwk rumz banhaemh, raq sing bit hemq he daj aendaemz laeng gaiqnaz cienz gvaqdaej. Daj gyae yawj bae, gyoengq diemj iq he cingq menhmenh daeng gvaqdaej. Yi, cungj daengz banhaemh lo, bit baenzlawz lij caengz haeuj ranz? Daxbuz haengjdingh lumz gyoengqde lo! Mboujgvaq, daengz mwh hai bonjsaeh gou okdaej lo!

Gou youh gaenjieng youh angq buet bae coh gyoengq bit. Gyoengq bit dingz he lij youq ndaw raemx, dingz he youq gwnz hamq. Gou ganjgip dawz diuz faexsax raez he, youq ndaw raemx “vava” vad song mbat, couh “gyaep” gyoengq bit ndaw raemx dam guhcaemz haenx hwnj hamq lo. Hoeng cingq youq mwh gou daequei “gyaep” gyoengq bit hwnj hamq, bit gwnz hamq lumj dwg deng gou sawqmwh “caegguk” hwk dawz lo, “ca” mbat he couh sei q baih deuz bae. “Vei, gyoengqsou dauqma, ranzbit youq baihneix!” Gou gaemdawz faexsax

gyaep gyoengqde. Hoeng gyoengqde yied buet yied gyae. Miz duz ndeu mbouj roxsoq youh heuh coh gou sing ndeu, lumj dwg doi q gou hatmaenj. Yawj daej, dan yungh rengz mbouj ndaej bw, gou yaek doengh uk siengj geiqmaez cij ndaej lo.

Gou ra di swzliu duzbit maij gwn haenx, vanq youq henz ranzbit. Bit youq giz gyawj giz gyae cungj buet gvaqdaej, gou ndawsim gag angq. Hoeng youq mwhde, duzbit gwnz ndang miz diemjraiz haenx hengzdoengh fanjciengz, sawqmwh daj henz ranzbit buet bae buet dauq, lij hemq mbouj dingz. Duzbit raizndaem ciuyinx gyoengq bit he doxcaez buet. Bitraizndaem bi aen caekhaex de, daequei nyex gyaeu heuh coh gou, lumj dwg naeuz: “Daeu vei, daeu vei, yawj mwngz yaeuh ndaej gou lwi?” Gou youh simgip youh hozndat, din baez caij couh caij deng haexbit bae. Bitraizndaem caij nyex gyaeu doi q gou “riugan”. Mwhde, gyoengq bit youh luenh-

yauyau lo. Gou mbouj goq baenzlai lo, buet coh baihnaj, hoenx “bouxcoihdaeuz” duz bitraizndaem neix. Yienghneix gyae geij baez le, bitraizndaem mbouj cingznyieng deng gou gyae haeu ranzbit bae lo. “Gae bit gae duzraizndaem gonq”, gyoengq “binglw” lw roengzdaeuj haenx couh ndei doi qouq lo.

Doeklaeng, ginglig ciengz doxgyaep he le, gou cienzbouh duq gyoengq bit haeu ranzbit bae lo. Ginggvaq baez duq bit neix, gou hix lien ndaej dauq bonjsaeh duq bit he lo.

Gou naengh youq gwnz diegnywj, yawj aen daengngoengz menhmenh doek roengz bya bae, ndawsim itcig naemj gyoengq bit lingzlaeux, dwggvaez haenx. Ndithaemh ciuq daengz hanh gwnz naj gou, gou naemj, hanh gwnz naj seizneix itdingh dwg ndongqndikndik, aenvih gyoengqde hix itdingh vih gou angqfaengz.

(sei q nienzgaep Dungz Sinhyi)



Boux Vunz “Dwgcaengz” Ndeu

Gou miz boux dahcej ndeu, ngoenzneix gou couh daej ndeindei gangjgangj de.

Doenghbaez de dwggvaez dangqmaz, maj ndaej hix ndei yawj. Hoeng——doeklaeng de ciengzgeiz mbouj baujhoh ndei swheij, seizneix de yakyawj dangqmaz! Gou geq gvaq, naj de miz 236 naed caeuz, gou hix ndaej yawj heuj de gvaq, heuj de lumj baenz naed baenz naed bohli z henjriri nei!

Singq de yak raixcaix, ngoenznaengz mbouj dwg ndaq gou couhdwg moeb gou, danghnaeuz fatheij hwnjdaej, couh doi q gou youh ndaq youh moeb. Gou miz seiz hix hozgaek dingjbuek de, de cix riunyaen naeuz: “Ceiqnoix gou mbouj moeb dai mwngz ba.”

De cungj ngah caeueq gou doxeuq. Geij ndaej miz baez ndeu, gou yawjraen ndaw binghsiengh ngamq miz aen binghgizlinz ndeu, couh naemj: “Ngamq miz aen ndeu lo, dahcej haengjdingh nyiengh hawj gou gwn loba.” Byawz rox gou ngamq hai dou binghsiengh, dahcej couh fatyienh lo. Sikhaek, gou gingqyienz youq seizhah ngoenz aeng neix, roxnyinh daengz genga hwnj naenggaeq, saenlaeng hix ok hanhheu liux. Gou gaenq rox de siengj guh giymaz lo, cij raen de lwgda ronghrik, aennaj riunyaen, lumj raq rumz nei bonghmbin gvaqdaej ciengj aeu binghgizlinz. Caj gou fanjwngq gvaqdaej, de caeux gwn roengz dungx bae lo. De lij angqvauvau naeuz: “Ndei gwn! Caen ndei gwn!” Gou rox de mbouj dwg dam gwn, de dwg cienmonz caeueq gou doxeuq doxdingj.

Gou mbouj leix de, dajsuenq yawj densi yaep ndeu soengheij. Gou naenx daiz 51, hoeng de sikhaek vuenh baenz daiz 15……Ai, caen dwg boux ak doxdingj ha.

Dahcej couhdwg boux “dwgcaengz” yienghneix ndeu. Hoeng, danghnaeuz dahcej mbouj youq ranz, gou dwg mbouj dwg mbwq lai ne?

(Sung Swhcwz sij Ouh Caijfangh hoiz)



Gwnzmbwn miz aen ronghndwen ndeu, sei qhenz ronghndwen miz haujlai aen ndaundeiq iquetet.

Baez daengz gyanghaemh, gyoengq ndaundeiq iq couh riengz ronghndwen okdaej, couh lumj rouh gaeqlwg ranz dou nei, mbwn ngamq rongh, gyoengqde couh riengz gaeq-meh ok baihrog ranz bae caemz.

Ronghndwen dwg daxmeh ndaundeiq iq, ndaundeiq iq dwg lwg ronghndwen.

Gou muengh ndaundeiq iq maj laux riuz di.

Daengzcog, ndaundeiq iq maj laux le, gwnzmbwn couh miz haujlai ronghndwen lo.

Fwnraq

Dwg bouxlawz youq gwnzmbwn aeu aensetraemx hungloet baenzneix, set raemx hawj banringz oemndat neix dajcaemx ne?

Ndoengfaex ndaej caemxndang gvaq de, ndaundeiq heuswdswd venj rim gwnz gofaex.

Ndoibya ndaej caemxndang gvaq de, go' nywj naiqniekiek de, youh lumj haetromh seizde angqvauvau dawz ok baenz naed baenz naed raemxraiz ronghmyabmyab.

Nditndat de, ndaej caemxndang gvaq le couh lai ronghsag, lai liengz lai lo.

Singheuh duzbid hawj vunz simnyap de, caemxndang gvaq le cix lai swnhwz lai ndeidingq lo.

Rumzoem ndoj youq ndaw lueg de, caemxndang gvaq le couh angqvauvau buet gwnz buet laj, dai q hei qhom dujva caeueq rumnya daej.

Singfwen siliengz roegfek ndaw ndoengfaex de, caemxndang gvaq le goj bienq angqfaengz lo.

Duj fwjndaem gwnzmbwn de, goj swiq ndaej hausaksak lo.

(Daj 《Bonjsei Sim Lwngnyez》 (Veiz Gizlinz raiz) senj okdaej, Lwgfwnzme/卢奋长 hoiz)

